

四不可得經
梵女首意經

百七十一
必四

43485



元祿九年丙子二月日重脩

皇圖肇固 帝潛綴昌

佛日增輝 懋輪常轉

山城州天安寺法金剛院置



二經同卷四

佛說四不可得經

梵女首意經

佛說四不可得經

西晉世三藏竺法護譯

聞如是一時佛遊於舍衛祇樹給孤獨園與

大比丘俱比丘千二百五十人及諸菩薩佛


明旦著衣持鉢入城分衛四輩皆從諸天龍

神各賫華香伎樂追於上侍佛道眼覩見兄

弟同產四人遠家棄業山處閑居得五神通

皆号仙人宿對來至自知壽盡悉欲避終各

各思議吾等神足飛騰自恣在所至到無所



必

聖礙今反當爲非常所得便危失身命當造
方便免斯患難不可就之也於是是一人則踊
在空中而自蔽形無常之對安知吾處一人
則入市中人鬧之處廣大無量在中避命無
常之對趣得一人何必求吾一人則退入于
大海三百三十六萬里下不至底上不至表
處於其中無常之對何所求耶一人則計竊
至大山無人之處擗山兩解入中還合非常
之對安知吾處於時四人各各避命竟不得
脫蔽在空中者便自墮地猶果熟落其在山
中于彼喪亡在大海中則時天命魚鼈所食
入市中者在于衆人而自終歿於是世尊觀

之如斯謂此四人闇昧不達欲捨宿對三毒
不除不至三達無極之慧古今以來誰脫此
患佛則頌曰

雖欲藏在空中

若處大海中

假使入諸山

而欲自堅形

欲求不死地

未曾可獲之

是故精進學

無身乃爲寧

佛告諸比丘世有四事不可獲致何等爲四
一曰年幼顏色焯焯髮黑齒白形貌光澤氣
力堅強行步舉止出入自遊上車乘馬衆人
瞻戴莫不愛敬一旦忽耄頭白齒落面皴皮
緩體重拄杖短氣呻吟欲使常少不至老者
終不可得二謂身體強健骨髓實盛行步無

雙飲食自恣莊飾頭首謂為無比張弓攝矢
把執兵仗有所危害不省曲直罵詈衝口謂
為豪強自計吾我無有衰耗病疾卒至伏之
著床不能動搖身痛如榜耳鼻口目不聞聲
香美味細滑坐起須人汗露自出身卧其上
衆患難喻假使欲免常安無病終不可得三
謂欲求長壽在世無極得於病死命既甚短
懷萬歲慮壽少憂多不察非常五樂自恣放
心逸意殺盜姪亂兩舌惡口妄言綺語貪嫉
邪見不孝父母不順師友輕易尊長反逆無
道希望豪富謂可永存譏謗聖道以邪無雙
噓天推步慕于世榮不識天地表裏所由不

別四大因緣合成猶如幻化不了古今所興
之世不受倡導不知生所從來死之所歸心
存天地謂是吾許非常對至如風吹雲翼念
長生命忽然終不得自在欲使不介終不可
得也四謂父母兄弟家室親族朋友知識恩
愛榮樂財物富貴官爵俸祿騎乘遊觀妻妾
子息以自憍恣飲食快意兒客僕使趣行綺
視顧影而步輕篋衆人計已無雙奴客庸罵
獸類畜生出入自在無有期度不察前後謂
其眷屬從使之衆意可常得宿對卒至如湯
消雪心乃懷懼請求濟患安得如願呼喲命
斷竟神獨逝父母兄弟妻子親族朋友知識

恩愛皆自獨留官爵財物僕從各散馳走如
星欲求不死終不可得也佛告比丘古今以
來天地成立無免此苦四難之患以斯四苦
佛興于世設無此難不現身相教化群黎猶
如四方有洪石山廣大且高上生草木衆果
藥樹華實悉茂忽失野火四山俱發暴疾相
向速于日行有人白王說有此患寧可避乎
荅曰不可得也天中之天唯有神通乃可濟
矣佛言有心意識不解深妙空無之慧心計
吾我五陰所縛六衰所惑欲不老病規拔此
惡分離之患志于常存終不可得唯成法身
陰衰悉蠲無內無外進退自在乃能免此四

難之患如春種穀今秋不熟終不可得殖老
病死別乖之本欲令不終不如志也猶樹生
果欲使不落終不得也猶人飲酒欲使不醉
孰有獲願種斯根本欲令不終不可得也如
人服毒欲令不死誰有獲願種離根本欲令
不別終不可得也猶人入溷欲令不臭誰有
獲願殖老病死欲免斯患未有如願人不識
此四苦放心恣意歿沉五道猶如車輪不得
離地悲哀呼嗟轉相戀慕無有竟已猶如狂
逸裸形而遊慌忽妄語謂為真諦痛哉誰了
此義唯有解道乃知之耳比丘白佛言何緣
免濟此四苦之難世尊告曰當求解脫何謂

解脫佛言護身口意初中竟善不為聲聞行
身不犯三罪口不犯四過意不念三惡初中
竟善也又身口意和而歸三寶除于三毒入
空無相不願之法向三脫門是初中竟善之
德也三界皆苦生老病死視身如各行于四
等慈悲喜護不遵大慈無極之哀趣欲免身


至于泥洹不念一切便得羅漢不及十方雖
得免於四患猶有限礙佛言發菩薩意普令
衆生常念遵六度無極之行初中竟善者謂
發意菩薩也初亦善者視一切人如父如母
如身常等無異中亦善者不畏勤苦在于生
死無央數劫不以為勞竟亦善者分別空慧

不見吾我又初善者本發大意願濟一切不
爲已計中亦善者行四等心慈悲喜護竟亦
善者弘無極慈欲導群黎遭諸惱患初亦善
者觀身四大本無化合緣于無緣中亦善者
無我無人無壽無命有斯四事則受身矣無
緣無攀何從得因猶如立屋有材有土有水
有草四事別離各散異處人合作舍因得屋
名計身四事亦復如是各存一面心著所有
我人壽命四大合成因号爲人竟亦善者了
知無身不猗三界一切悉空初亦善者布施
持戒忍辱精進一心智慧之導中亦善者曉
知六通之法入柔順法忍竟亦善者知身自

然諸法自然人物自然一切如化如幻計皆
本無初亦善者謂發無上正真之意中亦善
者解音響慧得無所從生不起法忍竟亦善
者逮一生補處勇猛之狀遊一切生覩無所
起救濟一切如日普照無所不徧是為菩薩
初亦善者中亦善者竟亦善者佛言行菩薩
道多所度脫猶衆星中月而獨光光如日初
出一時悉徧猶如炬火在所如照療諸病如
良醫度群黎如舩師安三界猶國主降異道
如師子道心普如虛空心等如地洗垢如水
燒諸罪如火遊無礙如風是為初中竟善善
薩之事乃為究暢弗說如是諸菩薩及衆比丘

詩天龍神阿須倫閩經莫不歡喜

佛說四不可得經



梵女首意經

西晉三藏竺法護譯

聞如是一時佛遊波羅柰鹿苑仙人所止處
而轉法輪與大比丘衆五百人無數菩薩俱
諸異佛國各各來會尔時世尊晨旦整服持
鉢入城而福一切賢者阿難侍如常儀大聖
則入波羅柰大城普次街里向梵志門梵志
有女名曰首意遙見佛身端正殊妙威神巍

巍其心靜然諸根寂定逮上玄默第一憺怕
無有衰入恐懼永除其意清淨而無垢穢如
大淵澄紫磨金色晃如寶山若盛大樹華實
繁茂有三十二大人相莊嚴其身八十種好
徧布其體昱如大殿而有寶柱如須弥山峻
峙顯特如月盛滿衆星中明如日出光晃耀
暉赫無所不照女見佛來任於門外心懷踊
躍迴入設座還詣佛所誓首佛足下長跪白
言善來安任願降聖尊屈神臨眄佛垂慈愍
入館就坐首意悅豫重誓首而取小榻於佛
前坐進而啓曰唯天中天曾聞如來遊波羅
柰仙士鹿苑爲沙門梵志梵天龍神諸魔世人

群生之疇轉無上輪與顯正法佛告梵女如是
如是誠如所去吾遊斯國轉無上輪為諸未
聞宣現正法不以非法首意問佛何謂如來
所轉法輪世尊告女以十二事緣起之法而
轉法輪首意白佛重加大恩為我分別廣說
十二緣起之法法輪所歸今識誼趣佛言諦
聽善思念之吾當為汝解散其誼梵女首意
受教而聽佛告女曰若計有我便有終始起
於不起從癡因緣則便有行從行因緣則便
有識從識因緣則有名色從名色因緣則有
六入從六入因緣則便更習從更習因緣則
便有痛從痛因緣則便有愛從愛因緣則便

有受從受因緣則便有有從有因緣則便致
生從生因緣致老病死懃苦愁惱大患集會
如是女癡滅行識名色六入更習痛愛受有
生老病死滅懃苦愁惱大患盡除汝欲知吾
以是法故於波羅柰仙士鹿苑爲諸沙門梵
志梵天龍神諸魔世人而轉法輪解十二因
緣若受奉行因可得度首意問佛唯天中天
法寧有內有外乎告女曰不也女又問曰法
寧有任無明号乎荅曰不也女又問曰寧有
興明有除滅乎荅曰不也女又問曰其明達
者寧有形貌乎荅曰不也女又問曰以何因
緣而致是身以無有癡何從致生興心慢意

因成其行何謂因緣而得合成又曰惟大聖
如樹無根何因忽生莖節枝葉華實如是世
尊計其無明無有形像假使因緣從無哲起
而致憍慢何謂無哲之原而致於行何從致
是衆惱集會佛告女欲知諸相本悉清淨亦
復如是諸法之法法不知法愚冥凡夫不聞
罪福而造凶危因從凶危則有終始因終始
則有苦樂計曉於彼亦無作罪亦無福者亦
復無有進退終始亦復無有遭苦遇樂佛告
首意汝欲知之譬如幻士化作所化其他人
者亦不想念言我是化彼之幻士或以實爲
虛或以虛爲實悉是欺詐愚僞之法計斯幻

士及所化人有所化者亦無所化彼亦空虛
誰惑迷妄癡駭之法於汝意云何其幻化者
豈復有內而有外乎荅曰不也天中天於汝
意云何幻無住豈有我名乎荅曰不也天中
天於汝意云何其幻化者豈有到後世復來
者乎荅曰不也天中天於汝意云何其幻者
豈有所起有所滅乎荅曰不也天中天於汝
意云何其幻化者豈有所有有形像乎荅曰
不也天中天於汝意云何其幻化者豈有見
聞有幻無幻乎荅曰不也天中天其女白佛
言我曾聞之其幻化者無有見聞有幻無幻
世尊又問於汝意云何其幻化者假使無身

豈能令幻化發起諸術乎。女荅曰：唯天中天，其幻化者實為如此。真無所有，佛復言如是。如是女，其無明者無內無外，計其法者亦無所有，亦無字也。其無明者不至後世，亦無還返，其無明者亦無有起，亦無有滅，其無明者亦無形像，適興無明緣，致眾行名色六入，更習癡愛，受有生老病死，勤苦愁惱，大患集會。時女首意白佛言：甚為可竒，至未曾有。世尊所興而不可及，所以者何？佛天中天，於虛空中而轉法輪，不可思議，所轉法輪不可稱限。無量法輪，無獲法輪，無形法輪，無生法輪，滅度法輪。世尊告曰：如是如是，誠如所去。吾所

轉輪爲轉空輪所轉法輪不可思議所轉法
輪不可稱限其可轉輪無量無獲無形無生
爲滅度也時首意女歡喜踊躍善心生焉則
以栴檀搗香及諸華香供養散佛唯然世尊
以是德本誓致擁護而善救攝降伏諸根御
制愛欲速轉法輪轉空無輪無思議輪不可
稱限無量無獲無形無生滅度之輪佛尋欣
笑五色青黃赤白綠光從口而出其大光明
普照十方無數佛國悉皆覆蔽日月之明還
繞身至于三帀從頂上入賢者阿難曉了七
法一曰知誼二曰解法三曰曉時四曰了節
五曰明衆六曰練己七曰採識人本即從座

起更整衣服偏袒右肩下右膝叉手白佛今
大聖欣笑爲何感應願說其意唯天中天多
所愍傷多所安隱哀念諸天世間人民分別
說之佛告阿難尔見梵女首意以末栴檀華
香擣香供養散佛乎其心誓願逮轉法輪對
曰已見佛言是女以斯德本護已安人多所
救攝壽終之後當轉女身至八十四億劫不
歸惡趣供養六萬諸佛世尊出家爲道志于
沙門聽受經法受經法已即時諷誦將御如
來現在正法佛滅度後供養舍利勸化無數
無量衆生不可計會使立無上正真之道最
於後世窮竟劫已於三千大千即當逮得無

上正真之道成最正覺劫名寶明佛号寶光
如來至真等正覺明行成爲善逝世間解無
上士道法御天人師爲佛衆祐其佛當壽具
足一劫爲難量計羣黎之疇勸發道教而逆
長益後至無餘於泥洹界而取滅度阿難白
佛其首意女爲於何佛殖衆德本佛告阿難
斯女往昔惟衛佛時以女人身初發道意取
寶珠瓔用散佛上至於今世復會吾前志願
無上正真之道亦於式佛如來正覺發歡喜
心加懷篤信脫衣上佛以家之信離家爲道
而作沙門具滿千歲淨脩梵行數數講問深
奧妙法於隨葉如來正覺時以十五日供養

世尊及諸弟子充滿周備亦復志願無上正
真之道於拘樓如來正覺時心樂善學攬攝
章句以諸真珠名香供散佛上其心亦誓願
成正覺於拘那含牟尼佛正覺時以香塗塔
盡其形壽供養衣服飲食醫藥牀座於二日
供養世尊聖眾見迦葉佛供養奉事不捨道
意今供養吾當轉女身然後得佛道度脫眾
生佛說如是莫不歡喜

梵女首意經

四不可得經

丙鬧

二 丑 孝 反 同 用

擘山

上 補 非 也 經

天友

於小反

一 喪 也 上 正 下 谷

斃燁燁

非 滅 燁 燁 上 于 鬼 反 下 余 輒 也 光明 盛 貞

也 耄 莫報反 皴 側瘦反 緩 胡慢反 呻

吟 申上音 攝 矢 上正作 孫音攝射決也

不省 下息井反 榜 步庚反 噓 虛音 倡導 上音 俸

祿 用上房 箴 莫結反 輕庸 音容 懷 懼也 呼 喻

下許及反 悉 茂 下莫候 規 拔 上均 彌 反 蠲 俱

也 反除殖 常力 溷 汗胡困反 裸 胡瓦反 蒲 八反 郎 果 慌

惚 忽上兄 無形之象也 猗 於離反

梵女首意經

鹿苑 下紆 遠 憺 怕 上徒敢反 下正白 淵 烏懸

泉 晃 胡廣反 昂 余荊 峻 峙 上雖 閏反 高 也 下

暉 赫 下許容反 眄 音麵 館 音貫 榻 音塔

疇 侶 直 流 反 明 盛 貞 音義 善 癡 駮 反 下 五 解 上

